

南粵南粵守天子約不敢擅發兵而以聞上遣大行王

恢出豫章大司農韓安國出會稽皆為將軍兵未隄領

閩粵王郢發兵距險其弟餘善與宗族謀曰王以擅發

兵不請故天子兵來誅漢兵眾強即幸勝之後來益多

師古曰言漢地廣大兵眾強盛今雖勝之後必更來也滅國乃止今殺王以謝天

子天子罷兵固國完不聽廼力戰不勝即亡入海皆曰

善即縱殺王師古曰縱音初江反使使奉其頭致大行大行曰所

為來者誅王王頭至不戰而殞利莫大焉廼以便宜案

兵告大司農軍而使使奉王頭馳報天子詔罷兩將軍

兵曰郢等首惡獨無諸孫繇君丑不與謀張晏曰繇邑號也師古曰